



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. LVIII. De Translatione Civitatis Colmensis.

urn:nbn:de:hbz:466:1-11850

CAP. LVII.

De

*Expugnatione cujusdam castri & de
castro Christburg.*

Hic frater Henricus Magister postquam instructus fuisset à Fratribus, quot mala Svantepolcus & sui complices Neophyti Apostatæ terræ Pruschia fidei & fidelibus intulissent, incepit toto cordis desiderio ad ipsorum destructionem & exaltationem fidei laborare. Congregatis ergo fratribus & peregrinis, profectus est ad bellum, & in vigilia Nativitatis Dominicæ noctis medio quiescentibus hominibus venit ad castrum Pomeranorum, quod situm tunc fuit in loco, qui nunc dicitur Christburg antiquum, & applicatis scalis ad mœnia occulte intraverunt, captisque & occisis omnibus expugnaverunt, ponentes ibi fratres & armigeros multos pro custodia dicti castri. Hujus etiam nomen quia in ipsa nocte Nativitatis Christi fuit à fidelibus expugnatum, vocatum est Christburg, quod interpretatur castrum Christi, quod vocatum est ab Angelo testamenti priusquam in mente Magistri aut aliorum fratrum conciperetur.

CAP. LVIII.

De

Translatione Civitatis Colmensis.

Hoc tempore nobilis ille & illustris Princeps (a) de Antlat cum multa militia venit ad terram Pruschia, & præter multa bona, quæ ibidem gessit ad corroborationem fidei & fidelium Civitatem Colmensis de castro antiquo (b) transtulit ad
cli-

*Conradus Landgr. Thur. V. Mag. generalis. Ord. Teut.
Henricus de Wida III. Magister Provincialis Prussie.*

clivum montis, in quo nunc sita est, per quam translationem terra Colmensis salvata fuit.

ANIMADVERSIONES.

AD CAP. LVIII.

- (a) Chron. Germ. antiquum in formâ quartâ habet Anclant. Jerofchinus legit *Mulardt*.
- (b) Grunovius hanc translationem adscribit Eberhardo de Seyne quem cum plena Magistri potestate huc in Prussiam ut Visitatorem fuisse missum refert. Perperam autem translationem hanc An. 1254. contigisse Privilegiumque Culmense post eam translationem renovatum esse refert. Cum Privilegium illud Culmense Anno 1233. datum & An. 1251. renovatum esse constet. Habetur hujus privilegii ab Eberhardo de Seyne An. 1251. renovati autographum exemplar latino sermone scriptum in tabulario Thoruniensi, quod simul cum aliis Terrarum Prussie Privilegiis, Cracoviae in comitiis Coronationis Serenissimi Regis Joannis III. à Statibus Prussie productum est. Vidi & ego hoc ipsum Privilegium Culmense indultu Magnifici Magistratus Urbis Thoruniensis. Est illud in membrana caractere satis eleganti scriptum. Habet duo sigilla funiculis suspensa. A dextrâ appendit sigillum Vices-gerens Magistri generalis per Germaniam, cujus forma est hæc: Expressa est B. Virgo puerulum JESUM in sinistro gestans brachio, dextrâ verò manu sceptrum tenens. Epigraphe est S. PRÆCEPTORIS ALEMANNIÆ. A Sinistrâ appendit sigillum sine dubio Provisor Prussie sive Magister Prussie Provincialis. Distinctè enim hoc dignosci non potest, cum illud sigillum jam sit vetustate corruptum. Ad verbum autem convenit cum eò, quod in Juribus Municipalibus Prussie Regiæ, ut & Privilegiis Prussie Ducalis typis est impressum. Germanicum Privilegii Culmensis renovati exemplar satis antiquum, habetur etiam in Bibliotheca Vindibonensi, ab ipso forsan Magistro Prussie Imperatori illo tempore transmissum. Initium ejus & finem exhibet nobis Petrus Lambecius *lib. 3. Bibl. Vind. bon. cap. 8. fol. 833.*

CAP.